

四庫全書

史部

欽定四庫全書

史部

欽定續文獻通考卷一百七十八

給事中<sub>臣</sub>劉芬覆勘

總校官內閣中書<sub>臣</sub>孫溶

欽定四庫全書

欽定續文獻通考卷一百七十七

經籍考

子

雜家  
雜說  
雜品

宋

龔鼎巨東原錄一卷

鼎臣字輔之鄆州須城人景祐進士歷官諫議大夫  
京東東路安撫使知青州改大中大夫提舉亳州大

清宮以正議大夫致仕

試筆一卷

舊題歐陽修撰

臣等謹案是書蓋襍集其手書墨跡錄而成編

龐元美文昌雜錄七卷

元美字懋賢單州人丞相籍之子官至朝散大夫

臣等謹案元豐壬戌元美官主客郎中在省四年

時官制初行所記朝廷典故為多通典載尚書省

為文昌天府故以名書

沈括補筆談二卷續筆談二卷

括字存中錢塘人寄籍吳縣嘉祐進士熙寧中官

至翰林學士龍圖閣待制坐議城永樂事謫筠州團

練副使後復光祿寺少卿分司南京卜居潤州以終

臣等謹案沈括夢溪筆談二十六卷已見馬端臨

通考其補續二種未載今應續錄

仇池筆記二卷

舊題蘇軾撰

臣等謹案是書攷係後人輯本非軾手定

楊延齡楊公筆錄一卷

延齡官至朝奉郎里居無攷

呂希哲呂氏雜記二卷

希哲字原明先世萊州人後家壽州公著之子也初以父蔭得官徽宗時歷知相邢二州罷奉宮祠羈寓淮泗間以卒

章申公九事一卷

不著編輯者名氏

臣等謹案是書蓋從章惇墨跡中錄出者

汪若海麟書一卷

若海號東叟歙縣人靖康中為太學生建炎中官至

直秘閣知江州事

馬永卿嬾真子五卷

永卿字大年揚州人流寓鉛山登大觀進士累官夏

縣令

吳炯五總志一卷

炯里居無考紹興時嘗為樞密院編修官浙西提舉

呂本中紫薇雜說一卷

本中壽州人始以曾祖公著遺表恩授承務郎累遷  
直秘閣紹興中賜進士出身官至太常少卿兼侍講  
權直學士院以草趙鼎遷僕射制忤秦檜檜風御史  
蕭振劾罷奉祠卒諡文清



臣等謹案是書名紫薇雜說者以本中嘗官中書舍人故也又當時學者稱為東萊先生舊本遂誤

題呂祖謙撰今據趙希弁讀書志訂正

員興宗辨言一卷

興宗見史類

張邦基墨莊漫錄四卷

邦基字子賢高郵人

沈作喆寓簡十卷

作詰字明遠號寓山湖州人紹興進士以左奉議郎  
為江西漕司幹官

蘇籀藥城遺言一卷

籀字仲滋眉州人轍之孫遲之子也南渡後居婺州  
官至監丞

臣等謹案籀年十餘歲時侍轍於潁昌自後凡九  
年未嘗去側因錄其所聞可追記者若干語以示  
子孫故曰遺言

李如麓東園叢說三卷

如麓字季牖崇德人少游上庠晚以特科官桐鄉丞  
吳箕常談一卷

箕字嗣之新安人乾道進士授仁和主簿歷知當塗  
縣為趙汝愚所重召主審察尋卒

謝采伯密齋筆記五卷續記一卷

采伯字元若台州臨海人宰相深甫之子理宗后謝  
氏之伯叔行也嘉泰進士歷知廣德軍湖州累遷大

理寺正

費袞梁谿漫志十卷

袞字補之無錫人

臣等謹案袞事跡罕見攷禮部韻略條例載有寧

宗開禧元年國子監發解進士費袞論韻略經弦  
二字劄子一篇當即其人

韓滉澗泉日記三卷

滉字仲止號澗泉世居開封南渡後其父流寓信州

因隸籍上饒

臣等謹案宋史無流傳仕履無攷惟戴復古石屏集有挽韓仲止詩云雅志不同俗休官二十年隱居溪上宅清酌澗中泉慷慨商時事淒涼絕筆篇三篇遺稿在當並史書傳知流蓋坎珂退居貴志以歿之士也

岳珂愧郈錄十五卷

珂見經類

等謹案是書名愧郢者取春秋左氏傳郢子來朝事言通知掌故有愧古人也

儲泳祛疑說一卷

泳字文卿號華谷僑居華亭工于吟咏

羅大經鶴林玉露十六卷

大經字景綸廬陵人登進士第嘗官嶺南

張端義貴耳集一卷二集一卷三集一卷

端義字正夫號荃翁鄭州人居于蘇州端平中應詔

三上書坐妄言韶州安置

俞文豹吹劍錄一卷吹劍錄外集一卷

文豹字文蔚括蒼人

臣等謹案吹劍錄持論偏駁多不中理外集晚年所作言頗醇正

車若水脚氣集二卷

若水字清臣號玉峯山民黃巖人

俞成瑩雪叢說二卷

成字元德東陽人

吳枋宜齋野乘一卷

枋字木方江陰人

臣等謹案是書雖以野乘為名多涉攷證

陳郁藏一話腴四卷

郁字仲文號藏一臨川人理宗朝充緝熙殿應制又

充東官講堂掌書

俞德鄰佩韋齋輯聞四卷



德鄰字宗大號太迂山人永嘉人徙居京口咸淳進士宋亡不仕遯跡以終

俞琰書齋夜話四卷

琰見經類

周密齊東野語二十卷 志雅堂雜鈔一卷

密見史類

臣等謹案齊東野語中考正古義皆極典核而所記南宋舊事為多密本濟南人其曾祖扈從南渡

因家吳興之弁山自號弁陽老人然其志終不忘  
鄉國故自序中述其父之言謂身雖居吳心未嘗  
一飯不在齊而密亦自署歷山書中又自署華不  
注山人書以齊東野語為名從父志也志雅堂雜  
鈔則與其所作雲煙過眼錄癸辛雜識諸書互相  
出入而詳畧稍殊疑為初記之稿本經後人裒綴  
而成者耳

碧湖雜記一卷

不著撰人名氏

臣等謹案陶宗儀說郛題曰宋謝枋得撰然宋志及諸家書目皆不載書僅八條殆非完本

袖中錦一卷

舊本題宋太平老人撰不著名氏

衍約說十三篇

不著撰人名氏

臣等謹案是書蓋家誠世範之流

元

鮮于樞困學齋雜錄一卷

樞字伯機漁陽人官太常寺典簿

劉壘隱居通議三十一卷

壘字起潛南豐人至大時為南劍州學官

白珉湛淵靜語二卷

珉字廷玉錢唐人仕至蘭谿州判官

李治敬齋古今註八卷

治字仁卿號敬齋真定藥城人金末登進士第辟知  
鈞州金亡後家於元氏世祖屢加禮聘最後以學士  
召就職暮月以老病辭去

臣等謹案是書以姓名蓋取不外聽之義

陳櫟勤有堂隨錄一卷

櫟見經類

臣等謹案是書雖多談義理而頗兼攷證於宋末  
元初諸人各舉其學問之源流文章之得失持論

特為平允

王惲玉堂嘉話八卷

惲見史類

盛如梓庶齋老學叢談三卷

如梓衢州人庶齋其自號也嘗官崇明縣判官

臣等謹案是書多辨論經史評騭詩文之語而朝

野逸事亦間及之分為三卷而第二卷別析一小

卷實四卷也

陸友研北雜志二卷

友字友仁一字宅之平江人工詩及各體書博極羣  
物柯九思虞集同薦於朝未及任用會二人去職而  
止自號研北生

陳世隆北軒筆記一卷

世隆字彥高錢塘人

吾邱衍閒居錄一卷

衍見史類

郭翼雪履齋筆一卷

翼字義仲崑山人自號東郭生官訓導

姚桐壽樂郊私語一卷

桐壽字樂年睦州人順帝後至元中嘗為餘干教授  
解官歸里自號桐江釣叟至正中流寓海鹽

臣等謹案桐壽遭江南擾亂之時惟海鹽未被兵  
火尚得閉戶安居從容論述故以樂郊私語為名

俞鎮學易居筆錄一卷



鎮字伯貞崇德人

明

鎬績霏雪錄

無卷數

績字孟熙先世洛陽人徙於山陰

臣等謹案是書辨核詩文疑義頗有根據雜述舊聞亦多有淵源成化間嘗刊行

王達龜海集一卷

達錢塘人

等謹案達博究子史百家其學蓋出於邵子其書亦規摹觀物外篇

葉子奇草木子四卷

子奇字世杰號靜齋龍泉人明初以薦官巴陵主簿  
春雨雜述一卷

舊題解縉撰縉字大紳吉水人洪武進士永樂中官翰林學士出為廣西參議改交趾後為高煦所譖下獄死

臣等謹案是書論作詩學書之法多從詩話書譜中抄撮而成又標題重複漫無體例疑或出于依託也

胡廣雜著一卷

廣字光大建文庚辰進士第一惠帝以其名與漢胡廣同更名靖除翰林院修撰靖難兵至迎降永樂初復原名累官文淵閣大學士卒諡文穆

黃潤玉海涵萬象錄四卷

潤玉見史類

臣等謹案是書乃潤玉孫溥錄其平日言論分四

十類

李賢古穰雜錄三卷

賢見史類

曹安謫言長語一卷

安字以寧號蓼莊松江人正統舉人官安丘縣教諭

徐伯齡蟬精稿十六卷

伯齡字延之嵎縣人

臣等謹案是書卷末有張錫所作傳一篇稱伯齡博學能文善書工琴而不肯以技自試云

王鏊震澤長語二卷

鏊見史類

臣等謹案是編乃鏊歸田後隨筆錄記之書

文林瑯琊漫抄一卷

林字宗儒長洲人成化進士官至溫州府知府

都印三餘贊筆三卷

印字維明號豫菴吳縣人太常寺卿穆之父也封工

部主事

梅純損齋備忘錄二卷

純夏邑人成化進士洪武中駙馬都尉殷之元孫世  
隸勲籍應襲指揮使書中自稱讀近思錄中張子論  
世祿子孫不應工聲病僞有司一條遂請于朝廷而  
復舊官

鄭瑗井觀瑣言三卷 蜩笑偶言一卷

瑗字仲璧莆田人成化進士官至南京禮部郎中

盧格荷亭辨論十卷

格字正夫東陽人成化進士官至監察御史

臣等謹案是書持論詭異攻擊朱子之書往往過

當前有劉宗周序謂學惟大疑而後能大信後儒  
不及前人亦其果于自信之意多而存疑者寡若  
先生可謂真求自信者蓋微詞也

王鴻儒凝齋筆語一卷

鴻儒字懋學南陽人成化進士官至南京戶部尚書

諡文莊

都穆聽雨紀談一卷

穆見史類

陳霆山堂瑣語二卷

霆見史類

劉教正思齋雜記二記



教字因吾吉水人

孫宜遜言十卷

宜字仲可華容人

臣等謹案是書原目十七類分十七卷此本止于  
十卷蓋非完帙

張志淳南園漫錄十卷

志淳自號南園野人雲南籍江寧人成化進士官至  
戶部侍郎坐劉瑾黨勒致仕

臣等謹案是書自序稱因讀洪邁容齋隨筆羅大經鶴林玉露二書仿而為之卷首數條皆摘撫容齋隨筆之語辨其是非其餘則述所見聞各為攷證大抵似洪書者十之一似羅書者十之九

何孟春餘冬序錄六十五卷

孟春見史類

陸深停驂錄一卷續錄三卷 河汾燕閒錄二卷 傳

疑錄二卷 春雨堂雜抄一卷

深見史類

林炫卮言餘錄十三卷

炫字貞孚閩縣人正德進士官至通政司叅議

陳沂詢芻錄一卷

沂見史類

胡侍真珠船八卷 墅談六卷

侍字奉之號濛溪咸寧人正德進士官至鴻臚寺少

卿坐議大禮謫潞州府同知

故英東谷贊言二卷 綠雪亭襟言一卷

英見儒家類

郎瑛七修類稿五十一卷

瑛字仁寶仁和人

倪復東巢雜著二卷

復見經類

張鈇郊外農談三卷

鈇字子咸慈谿人嘉靖進士

陸邛篋齋雜著一卷

邛字秀卿嘉善人嘉靖進士官至右僉都御史巡撫

河南

蘇祐道旃瑣語一卷

祐字允吉一字舜澤濮州人嘉靖進士官至兵部尚

書

黃訓讀書一得四卷

訓見史類

陸樹聲長水日抄一卷

樹聲見本類

戴冠濯纓亭筆記十卷

冠見經類

張居正太岳雜著一卷

居正見經類

李錦次麓子集十二卷

錦號次麓榆社人嘉靖舉人官至宛平知縣

臣等謹案是書雖以集名實說部之類凡三十二

門

李蓑黃谷瑣談四卷

蓑字子田內鄉人嘉靖進士官至提學副使

王世懋窺天外乘一卷 遠壬文一卷

世懋見史類

臣等謹案窺天外乘述明代故事而叅以論斷體例頗近龍川略志遠壬文乃其訓導子弟之作詞

雖淺近而切中物情

何良俊四友齋叢說三十八卷

良俊字元朗華亭人嘉靖中官翰林院孔目

陳師覽古評語五卷 禪寄筆談十卷續談五卷

師字思貞錢塘人嘉靖壬戌會試副榜授華亭縣教

諭官至永昌府知府

王薰青林雜錄一卷

薰字簡之天台人嘉靖中黃巖縣學生



劉世偉厭次瑣談一卷

世偉字宗周陽信人嘉靖中官寧州州同

江應曉對問編八卷

應曉字覺卿徽州人嘉靖末官涪州州判

陳德文孤竹賓談四卷

德文號石陽山人吉州人嘉靖中以順天府尹行部

永平館於夷齊廟公餘筆記以永平為古孤竹國遂

以孤竹賓談名書

羅鶴應菴任意錄十四卷

鶴字子應號應菴泰和人

徐渭路史二卷

渭字文長山陰人嘉靖時諸生事跡具明史文苑傳

張大復梅花草堂筆談十四卷二談六卷 聞雁齋筆

談六卷

大復字元長崑山人

朱孟震河上楮談三卷 汾上續談一卷 浣水續談

一卷 游宦餘談一卷

孟震字秉器新德人隆慶進士官至右副都御史巡撫山西

李維楨黃帝祠額解一卷

維楨見史類

彭汝讓木几冗談一卷

汝讓字欽之青浦人

余懋學說頤八卷

懋學字行之婺源人隆慶進士官至南京戶部右侍郎天啓中追諡恭穆

馮時可雨航雜錄二卷

時可見經類

臣等謹案是書上卷多論學論文下卷多記物產而間涉雜事

李調戒菴漫筆八卷

調字厚德號戒菴老人江陰人少為諸生坎坷不第

年八十餘而卒

徐三重採芹錄四卷 牖景錄二卷 家則一卷 野

志一卷

三重見史類

臣等謹案採芹錄第一卷論養民教民第二第三  
卷多論學校貢舉政事利弊第四卷多論明代人  
物臧否大抵考證典故究悉物情而持論率皆平  
允

董其昌畫禪室隨筆四卷

其昌見史類

臣等謹案是編第一卷論書第二卷論畫第三卷分紀遊紀事評詩評文四子部第四卷亦分子部四

曰雜言上曰雜言下曰楚中隨筆曰禪悅大旨

曰藝衡留青曰札三十九卷 玉笑零音一卷

藝衡見經類

臣等謹案藝衡所著玉笑零音自有單行之本而

留青曰札中亦復編入

徐懋升留留青六卷

懋升字元舉錢塘人

馬大壯天都載六卷

大壯字仲復徽州人羅汝芳門人

支允堅異林十卷

允堅字子固號梅坡居士

林兆珂宙合編八卷

欽定四庫全書

欽定續文獻通考

兆珂見經類

吳安國壘瓦編十二卷

安國字文仲長洲人萬歷進士官至寧波知府

朱國楨湧幢小品三十二卷

國楨見史類

王敬臣侯後編六卷補錄一卷附錄二卷

敬臣字以道長洲人歲貢生萬歷丙戌南京禮部尚

書袁洪愈薦為國子監博士



顧成憲藝林剩語十二卷

成憲字初章松江人

趙世顯趙氏連城十八卷

世顯字仁甫侯官人萬厯進士官梁山知縣

穆希文說原十六卷

希文字純文嘉興人

焦竑焦氏筆乘八卷

竑見經類

王肯堂鬱岡齋筆塵四卷

肯堂見經類

李日華六研齋筆記四卷二記四卷三記四卷 紫桃

軒雜綴三卷又綴三卷

日華見史類

袁宏道瓶花齋雜錄一卷

宏道字幼學公安人萬歷進士官至吏部稽勲司郎

中

謝肇淛文海披沙八卷

肇淛見史類

曹學佺西峯字說三十三卷

學佺見經類

臣等謹案是書中解字者十之一二非解字者十之七八故列于雜家

朱光裕射林八卷

光裕字仁仲蘇州人萬歷中諸生

姚福青溪暇筆三卷

福字世昌自號守素道人江寧人

胡震亨讀書雜記二卷

震亨見史類

臣等謹案是編所辨皆有根據第筆端時露佻薄耳

陳禹謨說儲八卷二集八卷

禹謨見經類

張所望閱耕餘錄六卷

所望字叔翹上海人萬歷進士官至廣東按察司副使

葉秉敬書肆說鈴二卷

秉敬見經類

陳全之蓬窓日錄八卷

全之字粹仲閩縣人萬歷進士

閔元衡歐餘漫錄十二卷

元衢字康侯烏程人

宋鳳翔秋涇筆乘一卷

鳳翔字羽皇秀水人萬厯舉人

安世鳳燕居功課二十七卷

世鳳字鳳引商邱人萬厯進士官定海知縣

黃元會仙愚館雜帖七卷

元會字經甫太倉人萬厯進士

周宇認字測三卷

字見經類

呂曾見呂氏筆奕八卷

曾見字眉陽紹興人官西安教諭

黃與黃元龍小品二卷

與字元龍歙縣人

商維濬古今評錄四卷

維濬字陽初會稽人

樂純雪菴清史五卷

純字思白號天湖子沙縣人

姚旅露書十四卷

旅號園容莆田人

臣等謹案是編雜舉經傳旁證俗說其以露書名

篇蓋取王充口務明言筆務露文之語

陳繼儒書蕉二卷 枕談一卷 偃曝談餘二卷

繼儒見史類

詹景鳳明辨類函六十四卷



景鳳字東園休寧人由舉人入仕官至平樂府通判  
楊繼益澹齋內言一卷 外言一卷

繼益字茂謙松江人

焦周說楷七卷

周字茂孝上元人修撰竑之子萬歷舉人

譚貞默譚子雕蟲二卷

貞默見經類

茅元儀福堂寺貝餘五卷

元儀見史類

方以智物理小識十二卷

以智見道家類

釋本以蘭葉筆存

無卷數

本以字以軒蘇州人

蒙泉雜言二卷

不著撰人名氏

東臯雜記一卷

不著撰人名氏

春寒閒記一卷

不著撰人名氏卷末自跋辛酉三月二十五日記署

曰德水

山居代麈一卷

不著撰人名氏

以上雜說

宋

物類相感志十八卷

舊題蘇軾撰今審為偽書

物類相感志一卷

舊題蘇軾撰

格物麤談二卷

舊題蘇軾撰今審為偽書

趙希鵠洞天清錄一卷

希鵠宋宗室子燕王德昭裔

臣等謹案是書所論皆鑒別古器之事

陳樞負暄野錄二卷

臣等謹案是書舊本祇題姓名不著時代攷閩書

陳樞陳幾之孫長樂人紹熙元年進士書中秦璽  
條內稱近嘉定己卯光宗紹熙元年下距寧宗嘉  
定己卯首尾三十年又西漢碑條內稱開之梁溪  
尤表惜不再叩之表亦當光寧之時疑即此陳樞  
也

周密雲煙過眼錄四卷續錄一卷

密見史類

臣等謹案是書所載書畫古器略品甲乙而不甚

攷證

元

居家必用事類全集十卷

不著撰人名氏

明

多能鄙事十二卷

舊題劉基撰今審為偽託之書

曹昭格古要論三卷

昭字明仲松江人

臣等謹案是書分十三門於古今名玩器具之真贋優劣皆能剖析纖微又諳悉典故一切源流本末無不蘊然故頗為賞鑒家所重

都穆都氏鐵網珊瑚二十卷

穆見史類

楊溥水雲錄二卷

溥長沙人自號水雲居士

宋詡及其子公望竹嶼山房雜部三十二卷

詡字久夫公望字山民華亭人

高瀛遵生八牋十九卷

瀛字深父錢塘人

張應文清秘藏二卷



應文字茂實崑山人監生著清河書畫舫及真蹟日錄之張丑即其長子也

李濂李氏居室記五卷

濂見史類

李璵羣芳清玩

無卷數

璵字惠時蘇州人

費元祿鼃采館清課二卷

元祿字學卿鉛山人

蕉窓九錄

無卷數

舊題項元汴撰元汴字子京秀水人

臣等謹案元汴家藏書畫之富甲于天下是書殊  
陋略當是偽託之作

屠隆考槃餘事四卷 游具雅編一卷

隆見經類

安世鳳墨林快事十二卷

世鳳見本類

沈德符飛鳧語略一卷

德符見史類

慎懋官華夷花木鳥獸珍玩考十卷

懋官字汝學湖州人

陳繼儒妮古錄四卷 巖棲幽事一卷

繼儒見史類

谷泰博物要覽十六卷

泰字寧宇官蜀王府長史

欽定四庫全書

欽定續文獻通考

卷一百七

文震亨長物志十二卷

震亨字啓美長洲人徵明之曾孫崇禎中官武英殿  
中書舍人明亡殉節死

張雲龍廣社

無卷數

雲龍字爾陽華亭人

臣等謹案是書乃因陶邦彥所作燈謎而廣之

便民圖纂十六卷

不著撰人名氏

莖錄三卷

不著撰人名氏

以上雜品

欽定續文獻通考卷一百七十七

欽定四庫全書

欽定續文獻通考卷一百七十八

經籍考

子

雜家下

雜纂

雜編

宋

張鎡仕學規範四十卷

鎡字公甫其先成紀人徙居臨安官奉議郎直秘閣

卧遊錄一卷

欽定四庫全書

欽定續文獻通考

舊題呂祖謙撰祖謙見經類

臣等謹案是書出陳繼儒晉秘笈中凡四十五則  
前二十一則全錄劉義慶世說新語次十八則全  
錄蘇軾雜著及陶潛集惟後二則不知為誰語其  
言參差不倫毫無取義殆明人依託也

高似孫文苑英華鈔四卷

似孫見史類

周守忠養生雜纂二十二卷附月覽二卷



守忠號縈庵履貫無考

石屏新語二卷

舊題戴復古撰復古字式之黃巖人

臣等謹案是書惟錄張詢古五代新說陳郁藏一話腴二種而多所刪節當是後人抄撮成編託爲復古作也

古今藝苑談槩上集六卷下集六卷

舊題俞文豹撰文豹見本類

臣等謹案是書多引明代之書蓋偽託也

趙善璫自警編九卷

善璫太宗七世孫家于海南端平中嘗知江州

臣等謹案是書乃編次宋代名臣大儒嘉言懿行之可為法則者

應俊琴堂諭俗編二卷

俊官宜豐令里居無孜

臣等謹案是編輯鄭玉道諭俗編彭仲剛諭俗續

編二書為一而又為之補論其末擇交遊一篇又元人左祥所增入以補原書之遺者也

周密澄懷錄二卷

密見史類

臣等謹案是書採唐宋諸人所紀登涉之勝與曠達之語彙為一編皆節載原文而注書名其下

元

張光祖言行龜鑑八卷

光祖字紹先大德時為泉州推官

許熙載女教書四卷

熙載字獻臣彰德相州人參知政事有壬之父

臣等謹案是書編集經書及先儒之言凡有關於  
女教者分為六篇曰內訓曰昏禮曰婦道曰母儀  
曰孝行曰貞節

景行錄一卷

舊題史弼編弼字君佐自號紫微老人博野人官至

福建行省平章政事封鄂國公

臣等謹案是編成於世祖至元丁亥多剽竊省心錄之語似出妄人所依託前有明瞿佑序亦偽作也

蘇霖有官龜鑑十九卷

霖見經類

吳亮忍經一卷

亮字明節錢塘人

林坤誠齋雜記二卷

坤字載卿號誠齋嘗官翰林

娜嬛記三卷

舊題伊世珍撰

臣等謹案錢希言戲瑕謂是書為明桑懌所偽託  
當必有據也

女紅餘志二卷

舊題龍輔撰

臣等謹案是書原序稱輔為武康常陽之妻上卷皆採掇新艷字句下卷皆輔所作小詩錢希言戲瑕謂是好事者所依託也

閒博錄一卷

不著撰人名氏

臣等謹案是書大都述先正格言及達觀保生之事

明

明太祖資世通訓一卷

臣等謹案是書分十四篇作于洪武八年前有明祖自製序後有編修趙壘序

明仁孝后勸善書二十卷

臣等謹案是書成于成祖永樂三年其所採輯兼及三教蓋意主勸戒下愚不及所作內訓之純粹也

明宣宗臣鑒三十七卷



臣等謹案是書取春秋迄金元人臣事蹟分善可為法惡可為戒二類有宣宗自製序

外戚事鑒二卷

不著撰人名氏

臣等謹案黃虞稷千頃堂書目有明宣宗外戚事鑒五卷類列漢以下歷代戚里之臣凡七十九人此本所載大畧相符然止五十六人而書亦祇二卷殆後人有所竄改合并非原書也

明景帝君鑒五十卷

臣等謹案是書成于景泰四年有景帝自製序亦分善可為法惡可為戒二類與宣宗臣鑒相同而自二十九卷至三十五卷皆紀明祖宗之事則用范祖禹帝學例也

昭鑒錄十一卷

洪武初諸臣奉勅撰六年書成太子贊善宋濂為序臣等謹案是編采錄漢唐以下藩王善惡以為鑒

戒

永鑒錄二卷

洪武初諸臣奉勅撰

臣等謹案是書凡分六目一曰篤親親之義一曰  
失親親之義訓朝廷也一曰善可為法一曰惡可  
為戒一曰立功國家一曰被姦陷害訓諸王也每  
條各舉古事而演以俗語取其易曉

歷代駙馬錄二卷

洪武中諸臣奉勅撰

公子書三卷

洪武中熊鼎等奉勅撰

臣等謹案是書較永鑒錄尤俚淺蓋以訓開國武臣之子弟者

陶宗儀說郛一百二十卷

宗儀見經類

臣等謹案是書所錄凡一千二百九十二種自三

十二卷劉餗傳載以下有錄無書者七十六種今  
仍其舊

馬順孫帝王寶範三卷

順孫江南人洪武中布衣

張洪使規一卷

洪見史類

王達景仰撮書一卷

達見本類

趙撫謙學範二卷

撫謙見經類

周是修綱常懿範十卷

是修初名德以字行泰和人洪武中舉明經由霍邱訓導改衡府紀善燕王兵入死之

臣等謹案是修於乾隆四十一年

賜謚節愍是編採輯前言往行凡十六門然所述率荒陋舛鄙類村塾野老稍知字義者所為殊不似是修

之筆殆原書久佚而後人贗補之如張九齡千秋金鑑類也

為善陰騭十卷

永樂十三年官撰頒行前有成祖自製序

彭韶政訓二卷

韶字鳳儀莆田人天順進士官至刑部尚書謚忠安

臣等謹案是編文公政訓一卷皆採掇朱子語類中論政之語西山政訓一卷則真德秀西山集中

所載帥長沙及知泉州日告諭官僚之文也

魏偁聞見類纂小史十四卷

偁字達卿勤縣人官石城訓導

食色紳言二卷

舊題皆春居士撰不著名氏

臣等謹案明本瀛奎律髓有成化丁亥新安守龍  
遵序自稱皆春居士此書疑即遵作也

楊循吉奚囊手鏡一卷



循吉見史類

臣等謹案是編薈粹諸類書頗稱博瞻而門目未分茫無體例劉鳳王世貞嘗分得其稿後遂散佚明史藝文志作二十卷此止十三卷不知為鳳家之半部抑世貞家之半部也

黎堯卿諸子纂要八卷

堯卿忠州人弘治進士

方鵬績觀感錄六卷

鵬見史類

臣等謹案鵬自序謂周是修嘗作觀感錄紀古今孝義之事其書不傳因復為此以續之

方鳳物異考一卷

鳳見史類

錢琦禱雨錄一卷

琦見本類

沈津欣賞編

熱卷  
數

津見史類

陳深諸子品節五十卷

深見經類

朱應奎翼學編十三卷

應奎字麗明廣漢人

臣等謹案太學進士題名碑嘉靖辛丑科有朱應

奎錦衣衛籍疑即其人

秦鳴雷談資三卷

鳴雷字子豫臨海人嘉靖甲辰進士第一官至南京吏部尚書

王時槐廣仁類編四卷

時槐字子植號南塘安福人嘉靖進士官至太僕寺少卿出為陝西布政司叅政中察典罷歸後起為太常寺卿不赴卒于家事蹟具明史儒林傳

陳耀文學圃蕙蘇六卷

耀文見經類

李贄初潭集十二卷 讀升庵二十卷

贄見經類

黃希憲續自警編八卷

希憲字毅所金谿人嘉靖進士官至應天巡撫

楊昱牧鑑十卷

昱字子晦號東谿汀州人

臣等謹案是書以經史百家之言有關政治者裒輯成帙凡四類曰治本治體應事接人

陳其力芸心識餘七卷續一卷

其力字克相號芸心子通海人官南京戶部司務  
陸貽孫烟霞小說二十二卷

貽孫蘇州人

穆文熙閱古隨筆續二卷

文熙見史類

臣等謹案是編尚有正集今未之見

諸子彙函二十六卷

舊題歸有光編有光見經類

臣等謹案是書採錄自周至明子書每種數條多有本非子書而摘取他書數語稱以子書者且改易名目詭怪不經當是偽託之作

李枅困學纂言六卷

枅字孟敬豐城人嘉靖進士官至浙江按察司副使

萬表灼艾集六卷

表字民望鄞縣人正德武進士累官都督同知

臣等謹案是編採輯唐宋以來說部每書祇載一二條或四五條似曾慥類說

沈津百家類纂四十卷

津慈谿人嘉靖中官含山教諭

臣等謹案此與作鄧尉山志及欣賞編之沈津姓名偶同實兩人也

張位警心類編四卷

位見經類



天池秘集十二卷

舊本題徐渭編武林孫一觀校渭見本類一觀無考

臣等謹案渭係嘉靖中人是編所載如葉向高陳繼儒之類皆在其後渭安得見其詩文蓋即一觀所輯偽託于渭也

劉元卿六鑑舉要六卷

元卿見經類

臣等謹案是編取帝鑑相鑑言鑑牧鑑璫鑑閨鑑

六書各撮取其文合為一帙

王國賓羣書摘草五卷

國賓號養默武進人萬歷進士其作此書時方監榷  
杭州北新關未詳其終于何官

呂坤閏範四卷

坤見經類

胡效臣百子咀華十四卷

效臣字鍾衡黃州人萬歷舉人官旌德知縣

張鼎思瑯琊代醉編四十卷

鼎思見本類

臣等謹案是編雜抄諸史百家之言臚次成書

徐三重蘭芳錄二卷

三重見史類

臣等謹案是編皆錄古人輕世遺榮之事

程達警語類抄八卷

達字順南清江人萬歷進士官至漳泉兵備道

楊起元諸經品節二十卷

起元見本類

臣等謹案起元傳良知之學遂浸淫入於二氏是編益刪纂釋道二家之書

周應治霞外塵談十卷

應治字君衡鄆縣人萬歷進士

臣等謹案楊德周序稱應治為觀察當是曾任監司而是書即其時所作也

李廷機宋賢事彙二卷

廷機見史類

葉向高說類六十二卷

向高字進卿號臺山福清人萬歷進士官至東閣大學士諡文忠

臣等謹案是書為向高所編而林茂槐增刪之者茂槐見經類

錢一本遜世編十四卷

一本見經類

傳履禮高為表同撰廉平錄五卷

履禮官長蘆鹽運司知事為表官滄州學正里貫俱  
無攷

焦竑焦氏類林八卷

竑見經類

二十九子品類釋評二十卷

題翰林三狀元會選前列焦竑翁正春朱之蕃三人

名

臣等謹案是書雜錄諸子毫無倫次蓋坊賈偽託之本

方大鎮田居乙記四卷

大鎮見儒家類

姚文蔚省括編二十三卷

文蔚見經類

臣等謹案是編采史傳中先機應變之跡自春秋

訖于元季分言事兵為三類

徐玉衡智品十三卷

玉衡字元之黃岡人萬歷進士官崑山令

臣等謹案是編為於倫所補葺倫字惇之亦黃岡人萬歷進士官至右通政其書蒐輯古初至明代用智之事故名智品

再廣歷子品粹十二卷

舊題湯賓尹撰賓尹字嘉賓宣城人萬歷進士官南



京國子監祭酒

臣等謹按是編所列二十四家子書多杜撰名目  
疑為偽託之作

陶珽續說郛四十六卷

珽姚安人萬曆進士

馮夢龍智囊二十八卷

智囊補二十八卷

夢龍見經類

黃時耀知非錄二卷

時耀字德韜號我素新都人

呂純如學古適用編九十一卷

純如字孟諧一字益軒吳江人萬厯進士官至兵部

侍郎

邢承燦牧津四十四卷

承燦字爾光山陰人萬厯進士官至江西布政司叅

政

臣等謹按是書編輯歷代循吏事實分類編次蓋

牧民之津梁也

來斯行經史典與六十七卷

斯行蒲山人萬歷進士官至福建右布政使

馮柯宗藩訓典十二卷

柯字貞白慈谿人以薦舉侍襄王書堂

王象晉清寤齋欣賞編一卷

象晉字蓋臣山東新城人萬歷進士官至浙江右布

政使

王圻稗史彙編一百七十五卷

折見史類

閔元衢增定玉壺冰二卷

元衢見史類

臣等謹案都穆採古來高逸之事題曰玉壺冰寧  
波張孺愿稍刪補之題曰廣玉壺冰元衢以為未  
盡復增定此編

黃文治古今長者錄八卷

文焰字季焱晉江人萬歷中諸生

李鶚腫洹詞記事抄一卷附明良記四卷

鶚腫字如一江陰人

臣等謹案洹詞本崔銑所著文集鶚腫摘其論宋  
事及明初事蹟者六十一則續抄三十六則後附  
楊儀明良記據鶚腫自題云同楊憲副二記為一  
帙又有明良記小引稱與保孤記皆係秘本則已  
佚其一種也

張翼包衡同撰清賞錄十二卷

翼字二星餘杭人衡字彥平秀水人二人皆久困場屋棄去制義因共購閱古書采摭雋語僻事積而成帙

馬嘉松十可篇十卷

嘉松字夢生平湖人萬歷末諸生

臣等謹案是書摘錄子史及諸家小說分爲十篇曰可景可味可快可鄙可泯可坦可遠可諧可嘉

可刪

曹臣舌華錄九卷

臣字蓋之歙縣人

趙爾昌元壺雜俎八卷

爾昌字慶叔錢塘人官宣城知縣

薛夢李教家類纂八卷

夢李字近泉嘉興人

孫能傳益智編四十一卷

能傳見史類

林有麟法教佩珠二卷

有麟見經類

徐應秋玉芝堂談薈三十六卷

應秋字君義浙江西安人萬歷進士官至福建左布政使

臣等謹案是書蓋考證之學每條立一標題為綱而備引諸書以證之大抵採自小說雜記者為多



軼事舊聞往往而在取材博瞻足資採擇云

錢繼登經世環應編八卷

繼登字爾先又字龍門嘉善人萬歷進士官至僉都御史

瞿式耜愧林湯錄十卷

式耜字起田常熟人萬歷進士累遷右僉都御史巡撫廣西進文淵閣大學士兼兵部尚書

大兵下廣西抗節死

臣等謹案式耜于乾隆四十一年

賜謚忠節是編雜錄諸儒之言蓋式耜林居時錄以自警大指歸于為善而已

李輅掌錄

無卷數

輅自號繡雲居士履貫無攷

楊宗吾檢靈隨筆三十卷

宗吾字伯相成都人官錦衣衛指揮大學士廷和之曾孫修撰慎之孫也

錢裴厚語四卷

裴字懋登海鹽人萬歷中由貢生官於潛訓導

黃秉石偶得紺珠一卷

秉石字復子江寧人萬歷中以薦為推官官至嚴州

府同知

鄭端允培壘居雜錄四卷

端允字思孟海鹽人

廣百川學海

無卷數

舊題馮可賓編可賓益都人天啟進士

臣等謹案是編乃書賈于說郛印板中抽取此百

三十種別刊序目標立此名託言出于可賓者也

閱元京凌義渠同編湘煙錄十六卷

元京字子京烏程人義渠之舅也未詳其所終義渠  
字駿甫此書亦題為烏程人而太學題名碑作歸安  
人天啟進士仕至大理寺卿

臣等謹案義渠于崇禎甲申殉節

世祖章皇帝賜謚忠介

木增雲邁淡墨六卷

增字生白雲南麗江土司世襲土知府以助餉征蠻  
功晉秩左布政使年甫三十即謝職天啟初特給誥  
命以旌其忠

臣等謹案增好讀書多與文士往還是書蓋其隨  
筆摘抄之本

胡尚洪子史碎語二十四卷

尚洪字叔開宣人

李雲翔諸子拔萃八卷

雲翔字為霖江都人

來集之尚湖樵書十二卷 博學彙書十二卷

集之見經類

蔣一葵堯山堂外紀一百卷

一葵字仲舒常州人取紀傳所載軼聞瑣事擇其稍

僻者輯為是編

胡燝家規輯要

無卷  
數

燝見本類

陳繼儒筆記二卷 讀書十六觀一卷 羣碎錄一卷

珍珠船四卷 銷夏四卷 辟寒四卷 古今韻史

十二卷 福壽全書

無卷  
數

繼儒見史類

周詩雅廣銷夏一卷 廣碎寒一卷 銷夏補一卷

辟寒補一卷 銷夏再一卷 辟寒再一卷 寒夏合

再一卷

詩雅見史類

董德鏞可如六卷

德鏞字孔昭鄞縣人

臣等謹案是書取鳥獸蟲魚之事合于忠孝節義者分類摘錄共六十三門

馮夢龍談槩三十六卷

夢龍見經類



閱于枕函小史

無卷數

于忱履貫無攷

朱廷旦擣堅錄二十四卷

廷旦字爾兼嘉善人天啟中貢生

臣等謹案是書分一百類每類各為小序陳勸戒之旨而徵引故實列于後名擣堅者謂如病之刺其堅也

趙民獻萃古名言四卷

民獻雲南人

鄭瑄昨非齋日纂二十卷

瑄字漢奉閩縣人崇禎進士官至應天巡撫

顏茂猷迪吉錄九卷

茂猷字狀其又字仰子平和人崇禎甲戌特賜進士

吳應箕讀書止觀錄五卷

應箕字次尾貴池人崇禎間副榜貢生後殉節死

朱輔韋弦自佩錄十二卷

輔號果庵建德人官至簡州知州

李長科廣仁品二集

無卷數

長科字小有揚州興化人

臣等謹案是書闡明戒殺之說雜舉故實以證因果題曰二集當尚有初集今未之見

諸茂卿今古鈎元四十卷

茂卿字子茂諸城人

俞弁山樵暇語一卷

升履貫無攷

臣等謹案是書雜錄古今瑣事及詞章典故間加

考據亦有全錄舊文者

楊兆坊楊氏塾訓六卷

兆坊字思說杭州人

戴有孚著疑錄九卷

有孚字聖山永新人

衛泳枕中祕

無卷數

泳字永叔蘇州人

郭偉百子金丹十卷

偉字士俊泉州人

養古介書

無卷數

舊題東海黃禹金定邵閣生編

臣等謹案是書蓋書肆粗識字義之人刊以射利者也

觀生手鏡一卷

題瀟川布衣編不著名氏

古今名賢說海二十二卷

不著編輯者名氏前有隆慶辛未自序題曰飛來山人  
臣等謹案明陸楫有古今說海一百四十二卷此  
似得其殘缺之本偽刻序目以售欺者也

名賢彙語二十卷

不著編輯者名氏前亦有隆慶辛未自序亦稱飛來山  
人

布粟集八卷

不著撰人名氏自題曰布粟子又自題其號曰鳳臺

九朝談纂

無卷數

不著撰人名氏

臣等謹案是書所輯自明太祖至武宗九朝說部

雜事

以上雜纂

宋

龔士禹五子纂圖互註四十二卷

士禹字子質號石廬子理宗時人爵里無攷

臣等謹案是書所輯五子老莊荀揚及文中子中說也

明

藝圃蒐奇十八卷補缺二卷

舊題徐一夔編一夔見史類

臣等謹案是書所輯大抵改易書名人名以售其



欺蓋後人所假託也

何瑋栢齋三書三卷

瑋字粹夫懷慶衛人弘治進士官左都御史

臣等謹案瑋是書持論詭異於宋之周張邵朱及蔡元定真德秀諸儒俱有貶詞并譏禮經之樂記為過當而失實末有崔銑跋乃極稱所論之超卓銑學頗醇正不應至此疑或假託以為重也

陸深儼山外集三十四卷

深見史類

臣等謹案是編乃其劄記之文其子楫彙為一集  
凡傳疑錄二卷河汾燕閒錄二卷春風堂隨筆一  
卷知命錄一卷金臺紀聞二卷願豐堂漫書一卷  
谿山餘話一卷玉堂漫筆三卷停驂錄一卷續停  
驂錄三卷豫章漫抄四卷中和堂隨筆二卷史通  
會要三卷春雨堂雜抄一卷同異錄二卷蜀都雜  
抄一卷古奇器錄一卷書輯三卷核其大致足資

考證者多在明人說部之中猶為佳本

陸楫古今說海一百四十二卷

楫字思豫上海人

臣等謹案是編分四部七家所採凡一百三十五

種畧有刪節尚存始末較他書所編特為詳贍云

彭汝嘉六詔紀聞二卷

汝嘉定州人正德進士官南京吏科給事中

臣等謹案是編上卷曰會勘夷情錄乃嘉靖中建

昌道兵備副使俞夔處置四川鹽井衛土千戶與  
雲南麗永二府土舍爭界事公務案牘下卷曰南  
荒振玉乃凡仙方海何真人與夔等唱和之詩汝  
嘉合列傳之夔建德人正德進士

唐樞木鐘臺集

無卷  
數

樞見經類

王文祿卹陵學山

無卷  
數

文祿見儒家類

陸樹聲陸學士雜著十一卷

陸文定公書

數  
照卷

樹聲見史類

胡維新兩京遺編五十七卷

維新餘姚人嘉靖進士官監察御史

沈節甫紀錄彙編二百十六卷

節甫烏程人嘉靖進士官至工部左侍郎謚端靖

穆文熙左傳國語國策評苑六十一卷

文熙見史類

朱東光中都四子集六十二卷

東光字元曦浦城人隆慶進士官分巡淮徐道

臣等謹案是書所編老子莊子管子淮南子四種以毫與濠梁頽上壽春皆中都所轄地故以名書程榮山居清賞二十八卷

榮字伯仁歙縣人

臣等謹案是編列南方草木狀至禽蟲述凡十五種中惟茶譜一種為榮所自著

高鳴鳳今獻彙言八卷

鳴鳳履貫無攷

臣等謹案明史藝文志高鳴鳳今獻彙言二十八卷今本祇有八卷蓋非完本也

呂坤呂公實政錄七卷

坤見經類

臣等謹案是書皆其歷官條約之類其門下士趙文炳巡按湖廣時校刊之

鍾惺合刻五家言

無卷  
數

惺見經類

臣等謹案是書所謂五家者文子及劉晝新論鬼谷子公孫龍子劉勰文心雕龍也

周履靖夷門廣牘一百二十六卷

履靖字逸之嘉興人

樊維城鹽邑志林六十二卷

維城黃岡人萬歷進士崇禎中以福建按察司副使



家居張獻忠陷黃州抗節死

臣等謹案是編乃維城宰海鹽時輯三國以來海

鹽縣人著作共為一集

胡應麟少室山房筆叢正集三十二卷續集十六卷

應麟字元瑞蘭溪人萬歷舉人

胡文煥格致叢書

無卷數

文煥字德甫號全庵錢塘人

項率謨學易堂筆記一卷二筆一卷三筆一卷四筆一

卷五筆一卷

臯謨字懋功自稱酉山居士嘉興人

程允兆天都閣藏書二十五卷

允兆字天民歙縣人

陳繼儒眉公十集四卷

繼儒見史類

毛晉津逮秘書

無卷數

晉見經類

黃澍葉紹泰同編漢魏別解十六卷

澍字仲霖錢塘人崇禎進士紹泰字來甫嘉興人崇禎時諸生

臣等謹案是編所輯自吳越春秋訖于薛收元經傳凡四十六種大抵從原書中節錄者

閔景賢何偉然同編快書五十卷

景賢字士行烏程人偉然字仙臞仁和人

何偉然廣快書五十卷

臣等謹案偉然既與閔景賢同訂快書又以五十種廣之同訂者吳從先也

汪定國諸子褒異十六卷

定國字蒼舒海寧人

蔣軼凡編皇書帝佚

無卷數

軼凡字季超諸暨人

臣等謹案是編首載偽三墳及乾坤鑿度謂之皇書次載中天佚典託名五帝之言謂之帝佚首有

自序語極荒誕不經

沈廷松編明百家小說一百九卷

廷松號石閣履貫無攷

歷代小史一百五卷

不著編輯者名氏

明小史八十九卷

不著編輯者名氏

溪堂麗宿集

無卷數

不著撰人名氏

翰苑叢抄十四卷

不著撰人名氏

以上雜編



欽定續文獻通考卷一百七十八